



AR SEIZ

PEC'HET MARVEL,

MALHEUR DAN NEB HO C'HARO.

Air : Peguer spontus eo ar Pec'het.

Ma speret en mouvamant , pa deuan da gompren ,
Ma c'halon disec'het , mantret gant an anquen ,
Pa ran reflection var ar reglennou ar bet :
Maleur da neb ho c'heuille , vissou vil diremet.

Ar barfetet , an douster , an amour direson ,
Ar joa , ar gontantamant douguet en union
Hac ar seiz pec'het marvel , amaret er galon ,
Ha c'hoas an humilite , a vo renet em chanson.

Men roïo testeni deus quement a lavaront ,
Rac-se-ta , men ho ped , na deut den da facha ;
Ma c'homsou so guirion evel an aviel ,
Eun deves a erruo , nin a velo certain.

AN ORGOUILL.

Da guenta , an orgouill , pini en deus renet ;
Siouas , ma breudeur , en ho toues bretonet ;
Pini neus amaret a plonjet er galon
An disesper , ar brezel , ar faus opinion.

An orgouill affrontet , viç ar superbite ,
Grienet er galon , n'en de nemet vanite ,
Gant demarchou fontet... rollet gant lucifer ;
Da ine a so dean ma ne gueres divoal.

Mepriser dinatur , cruel a barbar ,
Abaoue pel amser e ren var an douar :
Te ne teus den da veli gant da faus aparanc
Aroc drouc coms a zen sel deus da alianç.

Neuze ho gueli lancet a discleriet d'an oll ;
Les-ta da veprisanç o quemer un orror ,
Rac justiç un Doue , e zorn so puissant ,
Alies touriou huel a laqua da neant.

O Doue ma c'hrouer , a pebes meprisanç
So var ar bed-man , gant cals a aroganç ,
Abimet univesel gant an teod miliguet
A souillet an douar gant victim ar pec'het.

Dre an orgouill outrajus en neus bet precipitet
En fonç an abimou ar speret miliguet ;
Oll sperejou malign , terrupl e vo ar spont ,
Un de a erruo , pa renefer renta cont.

Den orgouillus monstret , traïtour evel Judas ,
Sel deus hor Salver astennet var ar groas ,
Hac en bet er baourente , o houis soufr ar maro ,
Quent parlant , men ho ped , examinet ho comzo.

AN AVARIS.

Den avaricius , usulierien barbar ,
Da goler obstinet gant madou an douar ,
Da speret en tourmant , e tont da ramassi
Eun nincel seulamant evit da'lieni.

Eur rum so var an douar , ne reont quet a blet ,
Met ma e'lont destum , deusja belec'h cavet ,
Guersa reont ho ine evit cavet arc'hant ;
Madou , madou bepret a zesir an tirant.

Petra dal dide , usulier digalon ,
Pini so placet huel , en c'horf poeltron ,
Ne c'houlles var an douar nemet ar poeltronach ,
Song e renqui mervel , den cri a den lach.

Gant da voyen en antier neuse petra a ride ,
Pa renqui renta cont dirac justic Doue ,
Deus da ingratiri a da faus musulliou ,
Ho c'hafronti an eneso evit destum madou.

Besa so eul loden , a beb sort qualite ,
A zeu da n'em daoni evit destum leve ,
Mar guelont cavet speguen , e stingfont ho laçou
Da zomaji ar baourente dre ho artifiçou.

Consultet vo an doctor , ma deo e afer ,
Arc'hant so da bea , ar sques a reviner ;
Debet e vo e zanve , laquet er miser ,
Ha c'hoas mil reproch bete fin e amser.

Ar speret so tromplus , ar galon so traïtour ,
A daouarn an usulier laër evel an dour ,
Evit cresqui e vern eo dija seihiet ,
Allas ar re-se so ar muia estimet.

Er scritur eo merquet e rencfomp oll pea
Tribut an affronjou betec an diner divea,
Ne vo netra espernet , tout vo venjet ane ;
Dorn Doue a zo just , guelet a raïm un de.

Usulier obstinet , a ne c'heus quet guelet
Peguen danjurus eo madou faus destumet ,
Pere ne raint er bed-man nemet da dourmanti
A siouas , martese , caus dit da n'em daoni.

Pa deüo ar paour esomec a c'heus bet revinet
Da c'houl an alusen , prest e vo refuset ,
Gant ar c'homsoü c'houero mar dout en baourente ,
Ma carjes ne voas quet , beza miret da zanve.

Ar paour-ques glac'haret , gant comzou afutet
A sorti , pa lavar , e galon contristet,
Pa zeu c'hoas da gompren , pa voa merer dean ,
Ne rei met clasq an tu da zont d'am revinan.

Ho calon dinatur , divergont a c'houero
Quent ma teui an heur , an tol deus da varo ,
Da blaç so preparet en tourmanchou eternal ,
Mignon bras da lucifer , souveren an ifern.

AL LUXUR.

Al luxur so eur viç deus an impurete ,
A vrein ar c'halon a col joa an ine ,
Beza zeo eur sourcen deus a gals a c'hlac'har ,
Pini a velomp e ren var an douar.

Dre an amitie mignon faus promesseo ,
Goneet gant ar viç a boe pel amser so ,
Evel so darn a gomer pere a voa devet ,
Hac ar brinces alyès er viç-se dirollet.

Beza maro bars er bed , eo dont da goll an enor ,
Reputet gant ar bed , a lavar an doctor ,
Guel eo beza privet deus madou an douar ,
Egnet col an enor , sourcen a vil e'hlac'har.

Al luxur ne zesir nemet ar vanite ,
Pini veler o redec , ebais en peb contre ,
Friset , pentet , fardet , caër bras da velet ,
Ar galon so impur , labeet er pec'het.

Nac a bet er bed-man ho deveus bet guerset
Ho c'horf hac ho ine , calonou glac'haret ,
Gant ho oll vanite , demarch ar yaouanquis ,
Lezet var blat bet , disquelet gant ar bis.

Sujet e zeo c'hoas da gals a gassoni ,
D'an anquen , d'an drubuil , ive d'ar jalousi ,
A laquet ar speret da soufr diesamant ,
Ar goad epouvantet , ar galon en tourmant.

Clasq a rer ar speret vit dont ùa gometi.
Calonou quer fragil , deus da gonsideri ,
Pa renqui renta cont deus da actionou
An douar e enep a deùio da destou.

AN ANVI.

Dre anv an drouc speret , he seo bet antreet
Ar maro er bed-man , ar binigen galet ,
Hac ar poaniou mortel a dourmant ar speret
A sorti tout ac'hane , ma breudeur bretonet.

Un dristidigues criminel eus a vad ar nessa
Eus ar madou an enor a ra peurliessa
E anquen , e dourmant , pa ne all possedi
Desirou e galon en talent , en vertu.

Domajou infam , nombr bras da niveri
A rer bars er bed-man , dre attaq an anvi ,
Pere a glasq sourcen betec faus testou
Da nac'h eus an nessa , hac ober leronçiou.

Destum las ar baourente , ed an eternite ,
Privet demeus ar c'hraç da velet un Doue ,
Pa neo ar galon contant deus ma zeo destinet
Gant Doue e-hunan pini neus hor c'hrouet.

Tout e zomp eta dean , hor c'horf hac hon ine ,
Ar madou da bartaji , da rei en peb ligne ,
Couls da gomun vel da nobl , comt , ive baronet ,
E zomp a memes goad , breudeur a c'houareset.

Ne vemp quet eta jalous deus profit an nessa ,
Miromp ar gontantamant , an humilite , ar joa ,
Pini a ranferm ar galon betec dor an evou ,
Ha c'hoas victorius demeus an oll vissou.

AR GOURMANDIS.

Den gourmant faminet en dibi , en efa ,
Ne c'heus quen sourci aman var ar bed-man ,
Nemet deus da gorf leun a vivacite
Ne vemores jamæs , na sonjal e c'hine.

Ar gourmandis flotet en slotur ar galon
A so vil da gompren , sperejou direson ,
Ne c'heus jamæs quen desir , queneubeut reglamant ,
Col a ra ar vertu , an nerz hac ar squiant.

Un nombr bras dre ar bæsson a goll ho renomi ,
O redec an tavargnou hac an hostaleri ,
Goude ober dispignou control d'ar burete
E verzont ho ine a truqua ho danve.

Pa zefont d'eur banquet n'o devez quen divis,
No devez quen muzur met tapout gant ar bis,
Collet gante ho rason, bet ebars er bæsson,
Neuze e vo civil, o gourmant hinumen.

O gourmandis infam, te a deu da verza
Goad da innoçant; en ro evit netra,
Vit contanti da galon, pini zo anflamet
En creis an tavergniou, a gantan da speret.

Ar gourmandis so ive carguet a flateres
Pini a veler en cals deus a dies,
Evit cavet arc'hant da ober debochou,
Da gontanti ar galon en hosteleriou.

Song eta en ene pini so immortel,
So en speret an den, ne varvo birviquen,
A læs da gorf vil nemet fanq a bouillen,
Eur sqeud er bed-man, vel c'huanadenn.

AR GOLER.

Ar goler zo eur c'hlense hac a roul er galon,
Vel eur serpent un tygr, pe autramant eul leon,
Tourmantet e speret pa n'ello n'em vengi,
Hac en goad hon nessa donnet da n'eur voëlc'hi.

Eritiq direglet, carguet a vengeanceou,
Paët evit certen eun darn deus da zeyou
Ne glasques quen suged, venget e vi ive,
Evit da recompans puissanç un Doue.

AN DIEGUI, *sourcen a vil malheur.*

An diegui milliguet, sourcen a vil anquen,
Dre a lesoriguez, e labour er beden,
Hi eo ar guesita a gol mad an ene,
An amzer, ar vertu, diez da re pari.


Deuz eta er beden a sel eus hor Salver
A ye quer courajus betec mene Calver ,
Da soufr ar maro sanglant evit hon pec'hejou ,
Evit hon prena demeus an iferniou .

Ma breudeur pec'herrien stouømp eta dan daoulin ,
Demp betec an oter , en ilis divin ,
Da c'houlen ar pardon demeus hon pec'hejou ,
Ma c'hefomp da jouissa deus ar gloar en evou .

Mar fel dec'h clevet piou e deus-y græt ,
Nen de quet bastard , besa eo perc'honet ,
Den yaouancq e zeo , en bordic Sant-Aler ,
François an DIZES , mab eul labourer .

AMEN.

Déposé :

A handwritten signature in black ink, reading "J. Guilmer". The signature is written in a cursive style with a large, decorative flourish at the end.